

MEÄNKIELI
TORNEDALSFINSKA

RUOTTISTA **UUNAIKHAISEMPI**

MILJÖÖPUOLUHEEN **VAAUMANIFESTI** **– TULEVAISUUS OON TÄÄLÄ**

Miljööpuolue vihreitten vaalimanifesti 2010.
Vihreän muutoksen puolesta joka antaa uusia
töitä, välttämättömän klimaattipolitiikan ja
globaalin solidariteetin.

miljööpuolue vihreät

miljöpartiet de gröna



TULEVAISUUS OON TÄÄLÄ

Net valinat mitä met tehämä tänä päivänä, muo´ostavat tulevaisuuen elämän. Net investeerinkit mitä met tehämä tänä päivänä, luovat tulevaisuuen yhtheiskunnan. Tieto siitä mitä se vaatii ette lua kestävä kehitys, oon olemassa. Se oon täälä ja nyt ko muutoksen häätyy saa aikhaan.

Miljööpuolue lähtee vaahliin vihreän muutoksen puolesta politiikassa, joka antaa uusia töitä, lissää turvalisuutta ja voimistaa Ruottia. Met halvaama pitkäle kattottunna lua kestävä yhtheiskunnan joka saattaa vastata tulevaisuuen haastheishiin.

Miljööpuolue halvaa nähä suursatsauksen vihreän muutoksen puolesta koko yhtheiskunnassa – eli Green New Deal:in. Met halvaama helpottaa ihmisiä tekheen kestäviä valintoja arkielämässä. Rautatiet, uusiutuva energia, raitiovaunut (spårvagnar), pyörätiet ja energiatankit (-smarta) kaupunkit oon tulevaisuus. Met vihreät halvaama tehä net investeerinkit joita tarttee. Net ei ole vain kannattavia – net antavat kans lissää töitä.

Met halvaama tehä Ruottista uuen aikhaisheman. Met tart-

tema satsauksia koulutukshiin, tutkimukshiin ja yrittämiseen. Ihmisillä pittää olla helpompi totheuttaa omat iteat ja tohtia ottaa askelheen työsuhtheesta omhaan yritykseen.

Met halvaama jättää osto- ja haaskausy htheiskunnan. Se häätyy kannattaa korjata ko joku mennee hajahleen. Met halvaama laskea momsint palveluista ja sillä mallin innostaa miljööanpassattua kulutusta ja samala lua uusia töitä. Monta työpaikkaa tulhaan kans luohmaan satsaamalla hyvinvointhiin ja julkisheen sektorhiin.

Met vihreät olema johonmukhaisesti luonon puolesta ko sitä uhkaavat lyhytaikaset intressit. Meitä kannustaa rakkaus luonthon, voimakas solidariteetti nyt elävitten ja tulevaisuuen sukupolvitten kans. Meän politiikka sihtaa mailhmaan joka

oon solidaarinen. Sen takia met tehämä työtä rauhan, ihmisoikeuksitten ja globaalin asseistariisumisen (nedrustning) puolesta.

Meän politiikka oon vaphauen puolesta. Met halvaama lua tasavrosen yhtheiskunnan jossa kaikkia ihmisiä kohehlaan samala laila. Meile se oon perusteellinen kysymys vaphausta. Yhtheiskunnasta tullee rikhaampi ja enämpi dynaaminen ko met hyväksymmä erilaisia mielipitheitä ja elämäntyyliä. Ihmisille häätyy antaa uusia elämänmaholisuuksia. Turvalisuussysteemit häätyy korjata ja net häätyvät olla kaikkia ihmisiä varten.

Yhessä meän yhtheistyöpuoluheitte kans met, Miljööpuolue vihreät, lähemä vaahliin punavihreä hallitus määränpäänä valtiopäivävaalitten 2010 jälkhiin.

INVESTEERINKIÄ KLIMAATTIVAIKUTUKSITTEN PIENENEMISEN JA UUSITTEN TÖITTEN PUOLESTA

1. RUOTTI HÄÄTYY OTTAA OMAN OSAN VASTUUSTA

Ruotti häätyy ottaa oman osan globaalisesta vastuusta. Kliimaathiin vaikuttavitten kaasuitte päästöt häätyy pienentää

aivan niinko tutkiat kehottavat. Nostamalla miljööverot fossiilisten polttoainheitten käytämisestä tullee tyyhriimpi.

2. KAKSINKERTASTAA RAUTATIEVERKON KAPASITEETIN

Kliimaattifiksiu traifiikipolitiikka koko maassa vaatii suuria investeerinkia rautatieverkhon. Henkilö- ja tavaratrafiikin

kapasiteetin häätty kaksinkertastaa. Met halvaama rakentaa kovavauhtiratoja ja kytkeä yhteen Ruottin suuret kaupunkit Stockholmi, Göteborg ja Malmö, Köpenhamnin ja Oslon kans. Met halvaama kans koplata yhteen pääratan (stambanan) aluheelisitten ratoitten kans niin ette aluheeliset liittymät paranevat. Se pittää olla halvempi reisata junala ko aijaa biililä eli lentää.

3. KOLEKTIIVISEN LIIKENTHEEN LISSÄÄMINEN

Enämpi klimaattifiksuitten kaupunkitten luomiseksi, met halvaama investeerata siihen ette kolektiivistä liikennettä lisäthään, niinku raitiovaunuja, alue-junia, metruja (tunnelbana) ja byssiä. Met halvaama tuplata kolektiivisen liikentheen osuutta vuotehen 2020. Uusia moturiteitä ei tarvita. Kolektiiviset kuljetukset häättyvät olla helposti saatavilla ja henkilöt joila oon alentunnu toimintakyky häättyvät saattaa käyttää niitä.

4. UUSIA POLTTOAIHNEITA BIILILE

Ruottissa moni oon riippuvainen biilistä. Fosiilistä polttoaihneista häätty vähä kertaa luopua niin miljöö- ko kostanussyistä. Sen takia kaikile häätty olla maholista tankata uusiutuvia polttoaihneita. Se pittää olla halvempaa aijaa uusiutuvilla polttoaihneila ette ko bensii-nillä. Uusiutuvitten polttoai-hneitten kotimaista tuotantoa ja jakelua (distribution) häätty tukea. Bio-kaasun tankkaus ja sähkö-biilin lattaus häätty olla maholista koko maassa.

5. TEHE OMA SÄHKÖ

Met halvaama ette oman sähön tuottaminen oon kannattavvaa. Aina useampi halvaa investeerata uusiutuvhaan energihaan ja vähentää ommaa klimaatti-vaikutusta. Tämä tarkottaa kans ette useampi häätty saattaa toimittaa uusiutuvvaa sähköä sähköverkkhoon. Met halvaama alottaa systeemin jossa oon ki-inteä hinta uusiutuvalle sähköle, ja maholistaa pienitten sähkö-tuottajitten netto-mittaukset.

6. INVESTEERATA UUSIUTUVHAAN ENERGIHAAN JA ENERGIAN TEHOSTAMISHEEN

Met halvaama korvata yin-voiman (kärnkraft) ja fosiilit polttoaihneet tuulivoimala, bio-polttoaihneila, aaltovoimala, aurinkoenergialla ja tehostamalla energiaa. Met halvaama investeerata semmosheen uuesti-rakentamisheen jonka seuraus oon pienempi energiankäyttö. Sillä mallin energiakostanukset saapi alas. Uraanin louhiminen häätty kieltää.

7. KORJATA MILJOONA-OHJELMAT

Met halvaama erityisen investeerinkituen ko rakenethaan uusia ja korjathan kuluhneita asuntoja ja kaupunkiositten keskuksia, olletikki esikaupunk-issa. Investeerinkitten pittää antaa parempia asumismiljöitä ja vähentää energian käyttöä.

8. ENÄMPI TAVARAA JUNILA JA LAIVOILA

Sen etheen ette lisätä turvalisu-utta liikentheessä teitten päälä ja vähentää päästöjä (utsläpp)

met halvaama ette raskhaat lastibiilikuljetukset verotethaan. Se tekkee ette tavaroit-ten kuljetukset teitten päälä ja laivoila oon kannattavampaa ko kuljetukset lastibiililä.

9. PUOLUSTAA LUONTOA JA BIOLOGISTA MONINAISUUTTA

Pelto- ja karkeamaita joissa kasvaa monta eri lajia häätty puolustaa ja rantasuojaa häätty parantaa. Arvokhaita luonon-mettä häätty suojata. Ruottissa häätty pitkäle ajale räknäten olla elinvoimasia kantoja (stammar) neljää suurta riis-taelukkaa: hukka, ilves, karhu ja ahma. Miljöö-myrkyitten leviämistä häätty vähentää, esimerkiksi kieltämällä liekiltäsuojaavia (flamskydd) aihneita jossa oon käytetty bromia ja hormoonia häiritteviä aihneita. Met halvaama säilyt-tää ja saa takasi kosteat aluheet (våtmarker) ja laissa suojata pohjavesiä jokka oon tärkeitä meän veen saanile.

10. MAANVILJELY JOKA HUOMIOITTEE ELUKAT

Torjunta-aihneitten (bekämpn-ings-) ja osto-sonnan käytön häätty minimeerata. Elukoitten suojan häätty parantaa ja met halvaama kieltää turkkifarmit. Hyvän maan häätty suojata. Met halvaama tehä kannat-tavaksi ekoloogisesti kestävän maanviljelyn. Ruotti häätty olla etukeulassa vihreitten elinkei-noitten alala, niinku eko-turismi ja pienimuotonen elintarvike-jalostus. Met halvaama suojata maapalloa geeni-manipyleera-tuilta kasvilta.

UUSIA TÖITÄ, YRITTÄJYYTTÄ JA PIENYRITTÄJIÄ

11. MATALAMPI MOMSI PALVELUYRITYKSILE

Met halvaama ette palvelusek-tori kasvaa alentamalla mom-sin monela alala. Silloin oon halvempaa korjata tavaroita jokka oon traasut, syä restau-rangissa, käyä frisöörillä ja korjata pyörän. Palveluitten kestävää käyttöä häätty stimy-leerata ja siihen met halvaama ottaa ensimmäisen askelheen mandaatti-kauela.

12. MATALAMPI VERO PIENILE YRITYKSILE

Met halvaama alentaa työnan-tajamaksoja pienile yrityksile kymmenellä prosenttiyksiköllä (-enheter). Met halvaama ette yksinyrittäjille alenethaan mak-soa vielä enämpi ensimmäisestä työntekiästä ensimmäisenä vuona.

13. RISKI-KAPITAALIA PIENILE JA KESKISUURILE FIRMOILE

Met halvaama perustaa valtiol-isen rahaston riski-kapitaalile niin ette pienitten ja keskisu-uritten firmoitten oon helpompi saa riski-kapitaalia. Rahasto rahotethaan suuritten valtion firmoitten voitoila.

14. ELINKEINOELÄMÄ ETURIVISSÄ

Monen uuen yrittäjän kannustus oon suurempi eettisen, sosiaal-isen ja miljöö-vastuun ottamin-en. Se vaikuttaa kestävhään ke-hityksheen. Semmosta asenetta häätty eesauttaa. Met halvaama lisätä raha-avustuksia innovas-juunile, tuotheitten kehityksele ja miljööteknikkakehityksele pi-enissä ja keskisuurissa firmois-sa. Valtion ja kunnitten puulaak-it häättyvät vaikuttaa uutheen miljööteknikkaan, uusiutuvhaan energihaan ja olla esimerkkinä ko oon kyse klimaativaiku-tuksitten pienentämisestä. Sosiaalinen ja kopeeratiivinen yrittäminen häätty olla osa vihreää yrityspolitiikkaa. Met tehämä työtä sen etheen ette useampia yrityksiä perusteth-aan maaseu'ula. Met halvaama aktiivisesti olla matkassa käyttämässä ja parantamassa mahdollisuuksia ottaa sosiaalista, eettistä ja miljöötäkoskevaa huomiota ko tehään julkisia hankintoja (upphandlingar).

15. TYÖTÄ JA KOULUTUSTA NUORILE

Met halvaama perustaa train-eeohjelman hyvinvointisekto-rilla. Sitte häätty kans satsata enämpi ammattikoulutukshiin ja oppi-paikhoin (lärlings-). Useampi korkeakoulu pittää tarjota praktiikkaa yrityksissä ja viranomhaisitten tykönä osana koulutusohjelmaa.

16. AVOIN JA LAAJA KULTTUURIELÄMÄ

Elävä ja kreatiivi kulttuurielämä oon tärkeä menestysfaktori niin terhveyttä, elämänkvaliteetä ko yhtheiskunnan kehitystä aatel-len. Met halvaama satsata kult-tuuhriin niin ette kaikile, olletik-ki lapsile ja nuorile, annethaan mahdollisuus olla matkassa eri kulttuuriaktiiviteetissä, niin sitä tekemässä ko seuraamassa. Kulttuurikouluja häätty paran-taa. Kulttuuri oon klimaattia aatellen fiksu (smart) vaihtoehto materiaaliselle käytöle.

NOSTAA HYVINVOININ KVALITEETÄ, INVESTEERATA KOULUTUSHEEN

17. EI KUKHAAN ILMAN VAKKUUTUSTA

Turvaliset ja uuenaikhaiset siukkavakkuutukset häätyvät olla kaikile. Met halvaama ette siukkarahhaa saattaa maksaa niin kauon ko ihmiset oon siukkoja ja ette se viiminen siukkarahan raja otethaan poijes. Yhtheiskunnan vastuu tehokkaasta rehabiliteerinkistä oon erityisen tärkeä. Ylheinen työttömysvakkuutus häätyy kattaa kaikki.

18. LYHEMPI TYÖAIKA

Met halvaama lyhentää normaalia työaikaa 35 tiihmaan viikossa niin ette ihmiset saava enämpi aikaa ja pareman elämänkvaliteen. Ensimmäisenä askelheena met halvaama tukea pienitten lapsitten vanhempia lyhentämhään työaikaa ja taas ottaa käythöön vapaa-vuen. Halvaama mahdollistaa enämpi joustavan (flexibel) pansuuniän ja antaa hyvät mahdollisuuet lyhentää työaikaa ko ihminen lähenee pansuunia.

19. MONINAISUUS KOULUSSA

Lapsila oon oikeus koulussa saa net työkalut joita net tarttevat elämän tielä. Vanhemilla ja lapsila häätyvät olla hyvät mahdollisuuet vaikuttaa opetusheeen ja saa valita sen pedagogiikan joka lapsele soppii. Kaikki lapset häätyy nähä ja niile häätyy antaa aikaa olla raahvaitten kans koulussa ja esikoulussa. Sen

takia kvalitee Ruottin esikou-lussa ja peruskoulussa häätyy parantua. Opettaja-tihheyttä (-täthet) häätyy lisätä, lapsiryhmiä pienentää ja opetusaikaa joka oon lukujärjestyksessä (schema) häätyy lisätä. Met halvaama puolustaa kouluitten, pedagogiikoitten ja koulutus-suntauksitten moninaisuutta. Met halvaama vahvistaa oppilasdemokratiita ja satsata oppilhaitten terhveyenhuoltoon.

20. ANNAMA LAPSITTEN OLLA LAPSIA

Turvalinen lapsuus, joka oon täynä leikkiä pitäs olla kaikitten ihmisitten oikeus. Yhtheiskunta joka oon hyvä lapsile, oon hyvä kaikile. Met halvaama vahvistaa lapsitten oikeuksia ja liittää lapsi-konvensjuunin Ruottin lakipykähliin.

21. ENNENAIXHAISTA HOITOA

Kaikkea hoito- ja huoltotyötä hääty leimata ennenaikheinen/etukätheen tehty ja terhveyttä puolustava työtapa. Hoito häätyy olla tasa-arvonen ja samanvertanen ja olla likelä kansalaisia. Sitä häätyy leimata tiimityö ja laaja lääketietheellinen ja psyykkososiaalinen kompetensi. Erityisiä satsauksia tarttee ette vähentää psyykkistä pahoinvointia ja parantaa meän vanhoitten hoittoa. Lääkheitten virheelisen käyttämisen vähentämiseksi, kontrollia ja valvontaa (tillsyn) häätyy kiristää.

22. HYVÄ RUOKA

Met halvaama parantaa laatua ette ruasta kouluissa, vanhus-tenhuolossa ja siukkatuala tullee parempi. Lapset, vanhukset ja siukat häätyvät saa vasta laitettua ruokaa, joka oon laitettu paikalisissa köökissä kouluila, vanhoitten huolossa ja siukkatuala sen eestä ko lämmitettyä ruokaa jota oon kuskattu pitkiä matkoja. Häätyy freistata saa ekoloogisia raaka-aiheita ja paikalisesti tuotettua ruokaa ko tekkee hankintoja ja sen takia lakia julkisista hankinoista (lagen om offentlig upphandling) häätyy tarkistaa, niin ette se oon lualista eesauttaa paikalisia ostoksia. Hyvä ja ravintorikas ruoka oon luonolinen osa hyvinvointia.

23. PAREMPI KORKEAKOULU JA KORKEAMPI OPINTORAHA

Koulutuslaitos oon keskheinen uuenaikhaisessa tietoyhtheiskunnassa. Korkeakoulun kvaliteetä häätyy nostaa antamalla enämpi opettaja-aikaa opiskelioile ja painottamalla hyvää pedagogiikkaa enämpi. Met halvaama antaa ihmisille uusia elämänmahollisuuksia ja helpottaa opiskelimesta elämän kaikissa vaiheissa. Sen takia met halvaama nostaa opintotukea (studiebidrag) ja parantaa opiskelioitten sosiaalista suojaverkkoa. Yhtheistyötä yliopistoitten/korkeakouluitten ja elinkeinoelämän välilä häätyy lisätä.

TASA-ARVONEN YHTHEISKUNTA LISSÄÄ VAPHAUTTA

24. TASA-ARVO PERHEISSÄ JA HALLITUKSISSA

Kummalaki vanhemalla on oikeus olla kotona lapsitten kans ja lapsila on oikeus kumphaanki vanhemista. Met halvaama ette vanhempainvakkuutus jaethaan kolhmeen ossaan ja kumpiki vanhemista saapi osan ja sen kolmanen osan net jakavat niinku halvaavat. Se lissää maholisuuksia saa enämpi tasa-arvosen vanhemuuen. Met halvaama lain kiintiöistä (kvotering) pörsipuulaakitten ja julkisitten puulaakitten hallitukshiin.

25. VAIMONPUOLISTEN RAUHA OON VAPHAUS

Met halvaama lissää resyrsiä vaimonpuolisitten päivytyksitten (kvinnojournerna) työle vaimonpuolisitten rauhan etheen. Oikeuslaitoksitten käytäytyminen häätyy olla pätevää ja kunnioittavaa. Lainsäätäntö raiskauksista häätyy olla terävämpi niin ette se garanteeraa seksuaalisen integriteetin. Lapsset jotka oon nähneet väkivaltaa kotona, häätyy nähä rikosuhrina. Net jotka tuomithaan pahoinpitelystä, häätyy pakottaa hoithoon. Väkiivalta miehiäki vasthaan, ja väkiivalta suhtheissa jossa osapuulet oon sammaa sukupuolta, häätyy kans huomioija. Enämpi resyrsiä tarvithaan ette vastustaa prustituointia ja ihmiskauppaa.

26. SAMAT OIKEUET KAIKILE

Lainsäätäntöä diskrimineerausta vasthaan häätyy lujentaa. Met halvaama eesauttaa samoja oikeuksia yrityksissä ja viranomhaisitten tykönä. Paikalisia anti-diskrimineerinkikontturia häätyy parantaa. Met halvaama jatkaa työtä HBT-henkilöitten oikeuksitten puolesta. Työtä viharikoksia (hatbrott) vasthaan häätyy tehostaa. Kaikila ihmisillä häätyy olla maholisuus osalistua täysilä (full delaktighet). Met halvaama ette saavuttamattomuus (otillgänglighet) lakipykälissä luokitethaan olevan semmosen henkilön diskrimineerinkiä jolla oon alentunnu toimintakyky.

27. ÄITINKIELELÄ OPPIMINEN

Yks tehokkaamista keinoista parantaa opiskelutuloksia kolapsela oon muu äitinkieli kolruotti, oon ette satsata enämpi äitinkielen opetusheen. Met halvaama laajentaa oikeutta saa äitinkilenopetusta, niin ette sitä saapi koko peruskouluajan. Met halvaama kans laajentaa aineopetusta äitinkielelä.

28. KOULUTUSTA JA TYÖTÄ VASTATULHEILE

Tänne vasta tulheet pitävät kieremästi pystyä oppimhaan ruottia, saa valideerata eli saa täyentää ommaa koulutusta ja

saa töitä. Met halvaama ette ruottinopinot yhistethään praktiikin kans. Met halvaama nostaa ruottin kieli toisena kielenä-kvaliteetä. Met halvaama ette yliopistot ja korkeakoulut tarjoavat ruottin kielen kursia niile joila oon akateeminen koulutus kolnet tulevat Ruothiin.

29. PUOLUSTAA OIKEUTTA PRIVAATTIELÄHMÄÄN

Eri puolila ytheiskuntaa ihmisitten oikeus privaatitielähmään oon rajotettu. Met halvaama lujentaa sääntöjä kolannethaan kaameravalvontalupia sillä mallin ette indiviititten integriteetti huomioithaan eritysesti. Valtiolla ei saa olla oikeutta rekistrearata kaikitten internettikäyttäjitten trafiikia Ruottissa. Met halvaama poistaa FRA-lain.

30. VAPAA INTERNETTI JA BALANSEERATTU TEKÄ- NOIKEUS (UPPHOVSÄTT)

Met halvaama puolustaa oikeus-turvaa ja integriteettiä verkossa muuttamalla IPRED-lakia. Met halvaama uuenaikehaiseman tekänoikeuen och ja ette fiilitten jako (fildelning) privaatit käytöle ei ole rikolista. Verkkoneutraliteetti oon tärkeä periaate jota häätyy puolustaa.

OIKEUENMUKHAINEN JA KESTÄVÄ MAILMA OON MAHOLINEN

31. AKTIIVI GLOBAALI KLIMAATTIPOLITIikka

Globaalia kaasupäästöjä jotka vaikuttavat kliimaattiin häätyy vähentää. Met halvaama vaikuttaa globaalisesti ja poistaa kaikki rahaliset tuet näile: hiili, öljy ja yinvoima. Met halvaama panna miljöö-maksot fossiilille polttoainheile kansanvälisillä lento- ja meriyhtheyksilä ja sillä mallin maksaa klimaatti-panokset köyhissä maissa. Kansanvälinen tuki klimaattipanokshiin kehityksmaissa häätyy lissäintyä.

32. TAISTELLA KÖYHYTTÄ VASTHAAN

Met halvaama tehä työtä oikeuenmukhaisen kaupankäynnin puolesta, joka paremin huomioittee köyhitten maitten tarpheet. Ruottin kehitysavun (bistånd) taso häätyy olla vähhinhään yhen prosenttin BNI:stä. Ruotti häätyy tehä työtä sen etheen ette köyhät maat ei jou´u kiini velkhoin ja ette laittomat velat poistethaan. Taistelu köyhyttä vasthaan häätyy olla keskheistä niin ulkomaan-, kauppa- ko kehitysapupolitiikassa.

33. LOPETTAA ASSEITEN MYYNTEI ULKOMAILE

Met halvaama lopettaa asseitten myynnin ulkomaile. Ensimmäinen askel oon ette lujentaa sääntöjä Ruottin asemyynile ulkomaile. Se oon mahoton hyväksyä ette ruottalaisia asseita myyhän maihiin jotka rikkovat ihmisoikeuksia. Met sanoma ei sille ette investeerathan monia miljardia uutheen, päivitethyyn (uppgraderad) Jas-kone-värsuuhniin. Ruotti pittää jää Nato:n ulkopuolele. Pyrkimyksiä rauhan puolesta mailmassa häätyy lisätä. Met halvaama kans kieltää ette miinoja ja klysteripommia valmistethaan Ruottissa.

34. LOPETTAA RYÖSTÖKALASTUKSEN MEÄN MERISSÄ

Kaikki avustukset jotka johtavat siihen ette kalat pyyethään lophuun, häätyy poistaa. Turskan ja muitten kala-sortittin pyytö meän merissä häätyy rauhottaa, jos niitten kanta alittaa varman tason. Laiton kalastus vaatii voimaotheita. Met tulema kans tarkastamhaan Ruottin kauppolitiikan niin ette ryöstökalaus muissa merissä mailmala vähenee.

35. IHMISOIKEUKSITTEN KUNNIOITTAMINEN PAKOLAISPOLITIIKASSA

Met halvaama lua useampia lailisia keinoja siirtyä/tulla EU:hyn. Inhimillisempää (human) pakolaispolitiikkaa tarvithaan. Ruottin migrasjuuniprusesissa oon kauon ollu puutheita, sen takia met halvaama totheuttaa amnestiin niile joila ei ole paperia. Lapsen paras häätyy aina olla ensi-sijala ko pakolaiskysymyksiä arvioihaan. Niilä, joila ei ole paperia, häätyy kans olla oikeus saa hoitoa ja käyä koulua.

36. EI EMU:LE

Met halvaama ette Ruotti pittää oman valuutan eikä lähe matkhaan EMU:hyn. EU:stä häätyy tulla enämpi demokraattinen ja vähempi sentraliseerattu. EU:lä ei piä olla yhtheistä puolustusta.

ÄÄNESTÄ VIHREÄN, IHMISYSTÄVILISEN JA UUENAIKHAISEN RUOTTIN PUOLESTA 19 SYYSKUUTA

Lue enämpi osotheesta www.mp.se

Ala jäseneksi sms:in kautta.

Lähätä teksti "mpmedl vvvkkpvxxx"
(henkilönumero) telefooninumehroon 72456.

Maksaa 50:- + trafiikimakso

miljöpartiet de gröna

